



# შირაკი

## SHIRAKI

გამოცემის 1937 წლიდან  
დედოფლისწყაროს მუნიციპალიტეტის გაზეთი

№3 (9.863)

9 - 16 თებერვალი 2019 წელი

ფასი: 50 თეთრი

ყოველკვირეული გამოცემა

### წყალი – დედოფლისწყაროს „აქილავსის ქუჩაში“



გვ. 3

### იაპონიის საღარიბო ვიზიტი დედოფლის- წყაროს ნითაღ ჭვარში

გვ. 6

### ქახათა სუფთა რეგიონის წოდება მოიპოვა

გვ.2

## ლევან კობიაშვილი დედოფლისწყაროში



გვ. 5

ლევან კობიაშვილი:  
„მინდოდა ზუსტად  
მცოდნოდა  
როგორ ვხედავთ  
ჩვენს როლს,  
რომ ფედერაცია  
ჩაერთოს  
დედოფლისწყაროს  
ცენტრალური  
სტადიონის  
აღდგენაში“

### „ქართული ზეთისხილი“ დედოფლისწყაროში წელს 1000 ჰა პლანტაციის გაშენებას გეგმავს

მიმდინარე წლის გაზაფხულზე კომპანია „ქართული ზეთისხილი“ დამატებით 1000 ჰექტარ ზეთისხილის პლანტაციას დედოფლისწყაროს მუნიციპალიტეტში გააშენებს, რაშიც უშუალოდ 10 მილიონი დოლარის ინვესტიციის ჩაიდებას გეგმავს. კომპანია ამჟამად ჯამში 400 ჰა ზეთისხილის პლანტაციას ფლობს, მათ შორის 100 ჰა დედოფლისწყაროში.

„ქართული ზეთისხილი“ წლებანდელ სეზონზე განსაკუთრებით უხვ მოსავალს ელოდება. საკუთარ პლანტაციებში 100 ტონა მოსავალს ელის, რაც გასული წლის მაჩვენებელს 150%-ით აღემატება. შარშანდელ რთველზე კომპანიამ 40 ტონა ზეთისხილი მიიღო.

როგორც „ქართული ზეთისხილის“ დამფუძნებელმა, გიორგი სვანიძემ განაცხადა, გაიზრდება კომპანიის მიერ წარმოებული ზეთუნის ზეთის მოცულობაც და სავარაუდოდ, 80 ტონამდე ავა. პროდუქცია როგორც - ადგილობრივ, ისე საექსპორტო ბაზრებზე გაიყიდება.

შეგახსენებთ, რომ „ქართული ზეთისხილი“ პირველი კომპანიაა, რომელმაც საქართველოში ზეთისხილის კულტურა შემოიტანა. ზეთისხილის პლანტაციები 2009 წლიდან საქართველოს სხვადასხვა რეგიონში ეტაპობრივად გაშენდა; კერძოდ: სიღნაღში, დედოფლისწყაროში, ტარიბანაში, ბაღდათში და მარნეულში. მოგვიანებით კი, სიღნაღში ზეთუნის ზეთის მწარმოებელი ქარხანაც აშენდა, რომელიც პროდუქციას 2017 წლიდან უშვებს. სანარმო ორი სახეობის ზეთს აწარმოებს - პრემიუმკლასს და გოლდენს. კომპანიამ ქართული ზეთუნის ზეთის წარმოებაში 7 მილიონ დოლარამდე ინვესტიცია ჩადო.



ილია მარტყოფლიშვილი

### „საქართველოს ქალების“ საქველმოქმედო აქცია დედოფლისწყაროში



გვ. 3

### ელჩმა ჰერელებს საჩუქრები ჩაუტანა





# წყალი – დედოფლისწყაროს „აქილევსის ქუსლი“

5 თებერვალს დედოფლისწყაროს მუნიციპალიტეტის მერიამ ჩატარდა ტრადიციული თათბირი, რომელსაც მუნიციპალიტეტის ორგანიზაციების ხელმძღვანელები და სოფლების რწმუნებულები ესწრებოდნენ. შეხვედრის მთავარ თემად იქცა წყალმომარაგების საკითხი.

დედოფლისწყაროს მერი ნიკოლოზ ჯანიაშვილი შეეხო წყალმომარაგების საკითხს, რომელიც ჩვენი რაიონის „აქილევსის ქუსლად“ რჩება. წყალმომარაგების კომპანიის დედოფლისწყაროს სერვისცენტრის ხელმძღვანელის, ნოდარ ფიროსმანაშვილის განცხადებით, მდგომარეობა არასახარბიელოა. „წყლის დებეტი არასაკმარისია გავლვიანი ამინდის გამო“-თქვა მან და კითხვაზე, თუ როგორი ზაფხული გველოდება, საკმაოდ სკეპტიკური პასუხი გასცა: თუ ასეთი სიტუაცია გაგრძელდა და ნალექი არ მოვიდა, დამაინტერესებელ სურათს ვერ დავდებთ“.

წყალმომარაგების საკითხის მოგვარების ერთდეროზად მან დედოფლისწყაროს რეზერვუარების ივრის წყლით შესვლა დაასახელა, რაც საკმაოდ ძვირი სიახლოვებაა. თუმცა, თუ დედოფლისწყაროელი მოსახლეობის აზრს გაითვალისწინებთ, ერთხელ ფულის დახარჯვა ჯობს მუდმივ უწყლობასა და ზაფხულის შიშით მოსახლეობას!

ბოლო დროს ხშირია შემთხვევები, როცა წყლის მიღების დაზიანებას ახლადდაგებული ასფალტი ეწირება. მის აღდგენას კი წყალმომარაგების კომპანია არ ჩქარობს. ნიკოლოზ ჯანიაშვილმა მოსთხოვა შესაბამისი უწყების წარმომადგენელს, რომ უმოკლეს ვადებში მოხდეს დაზიანებული ასფალტის საფარის აღდგენა. ნოდარ ფიროსმანაშვილმა განაცხადა, რომ მან თავის ზემდგომთან უკვე დააყენა ეს საკითხი და უახლოეს მომავალში მოხდება ასფალტის მოწესრიგება.

თათბირზე შეეხნენ წითელას ეპიდემიას. საზოგადოებრივი ჯანდაცვის ხელმძღვანელის, მარიეტა გონაშვილის ინფორმაციით, ჩვენს რაიონში წითელას სულ 7 შემთხვევაა დაფიქსირებული, თუმცა, ეპიდემიის თავიდან აცილების მიზნით, უნდა მოხდეს მოსახლეობის 95 %-ის იმუნოზაცია.

დედოფლისწყაროს მუნიციპალიტეტის მერი ნიკოლოზ ჯანიაშვილი შეეხო ასევე სოფლის დახმარების პროგრამის განახლებას და განაცხადა, რომ ეს პროექტი მნიშვნელოვანია, რადგან ხელისუფლება უფრო ახლოს მიდის ხალხთან და უშუალოდ მოსახლეობის აზრის გათვალისწინებით ხდება სოფლების



პროორიტეტების განსაზღვრა. მერის ინფორმაციით, გარკვეული საკადრო ცვლილებები განხორციელდა მუნიციპალიტეტის მერიამ. მერის პირველი მოადგილე სოლომონ ლორაშვილი დავით ფხოველიშვილმა შეცვალა.

## „საქართველოს ქალების“ საქველმოქმედო აქცია დედოფლისწყაროში



დედოფლისწყაროს მუნიციპალიტეტის მერიისა და არასამთავრობო ორგანიზაცია „საქართველოს ქალების“ მშვიდობისა და სიცოცხლისათვის“ ერთობლივი საქველმოქმედო აქციის ფარგლებში დედოფლისწყაროს მუნიციპალიტეტის ტერიტორიაზე რეგისტრირებულ სოციალურად დაუცველ მრავალშვილიან ოჯახებს ტანსაცმელი და საბავშვო ნივთები გადაეცა.

განსაკუთრებულად დაბალი ქულის მქონე მრავალშვილიანი ოჯახების წარმომადგენლებს ჰუმანიტარული ტვირთი დედოფლისწყაროს მუნიციპალიტეტის მერმა ნიკოლოზ ჯანიაშვილმა და საკრებულოს თავმჯდომარე მუგზარ პაპიაშვილმა ორგანიზაციის ხელმძღვანელთან, მაია კვეზერელთან ერთად პირადად დაურიგეს.

ორგანიზაცია „საქართველოს ქალების მშვიდობისა და სიცოცხლისათვის“ დედოფლისწყაროს მუნიციპალიტეტთან 2010 წლიდან თანამშრომლობს.



## მერის პირველ მოადგილედ დავით ფხოველიშვილი დაინიშნა

**საკადრო ცვლილებები დედოფლისწყაროს მუნიციპალიტეტის მერიამ. მერის პირველი მოადგილე სოლომონ ლორაშვილმა თანამდებობა დატოვა. მის ადგილს მერიის ინფრასტრუქტურის სამსახურის ხელმძღვანელი დაიკავეს. შესაბამის გადაწყვეტილებას მერმა ხელი მიმდინარე წლის 5 თებერვალს მოაწერა.**



**მინი დოსი:** დაბადების თარიღი: 1958 წლის 16 ივლისი. განათლება: საქართველოს პოლიტექნიკური უნივერსიტეტის სამოქალაქო-სამრეწველო მშენებლობის ფაკულტეტი, სპეციალობა: ინჟინერი-მშენებელი.

**სამუშაო გამოცდილება:** 1983-1989 წლებში საქართველოს მშენებლობის სამინისტროს №4 ტრესტის (მმკ №15) საგემო-საწარმოო განყოფილების უფროსი.

1989-2002 წწ დედოფლისწყაროს სამშენებლო საბჭოს სამუშაოთა მწარმოებელი. 2002-2006 წწ. საქართველოს ურბანიზაციისა და მშენებლობის სამინისტროს კახეთის რეგიონული არქიტექტურის დეპარტამენტის დედოფლისწყაროს რაიონის

არქიტექტურის 2007-2014 წლებში დედოფლისწყაროს მუნიციპალიტეტის გამგეობაში სხვადასხვა თანამდებობაზე. 2014-2018 წწ. დედოფლისწყაროს მუნიციპალიტეტის ინფრასტრუქტურის, სივრცითი მოწყობის, არქიტექტურისა და მშენებლობის სამსახურის უფროსი. 2019 წლის 5 თებერვალს დაინიშნა დედოფლისწყაროს მუნიციპალიტეტის მერის პირველ მოადგილედ.

**ჰყავს მეუღლე და ორი შვილი.** ინჟინერ დავით ფხოველიშვილის სახელს უკავშირდება დედოფლისწყაროში ელიას მთაზე წმინდა ელია თეზბიტელის ტაძრის აღდგენითი სამუშაოების წარმოება და მისთვის პირვანდელი სახის მაქსიმალურად შენარჩუნება.

## ხე-ტყის უკანონო მოპოვების 14 ფაქტი სიღნაღსა და დედოფლისწყაროში

გარემოს დაცვისა და სოფლის მეურნეობის სამინისტროს თანამშრომლებმა, 2019 წლის 1 იანვრიდან 31 იანვრის ჩათვლით, ხე-ტყის უკანონო მოპოვებისა და ტრანსპორტირების 401 ფაქტი გამოავლინეს. მათ შორის 15 ფაქტი სისხლის სამართლის დანაშაულის ნიშნებს შეიცავს, რის გამოც მასალები სამართალდამცავ ორგანოებს გადაეცა. ქვეყნის მასშტაბით, ყველაზე მეტი შემთხვევა კახეთის რეგიონში დაფიქსირდა. იანვრის სტატისტიკურ მონაცემებს გარემოსდაცვითი ზედამხედველობის დეპარტამენტი ავრცელებს.

152 ფაქტი გამოვლინდა კახეთის რეგიონული სამმართველოს სამოქმედო ტერიტორიაზე, აქედან იანვრის თვეში 14 შემთხვევა სიღნაღი-დედოფლისწყაროს უბანზე რეგისტრირებული. გარემოსდაცვითი ზედამხედველობის დეპარტამენტის თანამშრომლების მიერ დედოფლისწყაროსა და სიღნაღის მუნიციპალიტეტებში გამოვლინდა 1-1 ფაქტი, ხოლო ეროვნული სატყეო სააგენტოს ოფიცრების მიერ, ორივე რაიონში, დედოფლისწყაროსი სიღნაღის სატყეო უბანში ჯამში - 12 ფაქტი.

ჯამში, იანვრის თვეში ამოღებულია უკანონოდ მოპოვებული 427 მ3-მდე ხე-ტყე. ამავე პერიოდში, სახერხი საამქროს რეგულაციების დარღვევის 53 ფაქტი დაფიქსირდა და ამოღებულია 3 ერთეული დაურეგისტრირებული სახერხი დანადგარი. მასალები, შემდგომი რეაგირებისთვის, შესაბამის უწყებებშია გადაგზავნილი.

ხე-ტყის უკანონო მოპოვებისა და ტრანსპორტირების 25 ფაქტი დაფიქსირდა სამეგრელო-ზემო სვანეთის რეგიონული სამმართველოს მასშტაბით, იმერეთში - 31 ფაქტი, გურიაში - 8, ხოლო რაჭა-ლეჩხუმი ქვემო სვანეთში - 11, აჭარის რეგიონული სამმართველოს სამოქმედო ტერიტორიაზე - 24 ფაქტი, მცხეთა-მთიანეთში - 3 ფაქტი, შიდა ქართლში - 27, ქვემო ქართლის მასშტაბით - 32 ფაქტი, ხოლო სამცხე-ჯავახეთის რეგიონული სამმართველოს სამოქმედო ტერიტორიაზე - 88 ფაქტი დაფიქსირდა.

ილია მარტყოფლიძე

## პუშკინის ქუჩის მოასფალტებისთვის წელს 319 336 ლარი დაიხარჯება

დედოფლისწყაროს მუნიციპალიტეტის საკრებულომ 31 იანვრის სხდომაზე კენჭი უყარა და დაამტკიცა ცვლილება, რომელიც საკრებულოს დადგენილებაში შევიდა. „საქართველოს რეგიონებში განსახორციელებელი პროექტების ფონდიდან მუნიციპალიტეტისათვის თანხის გამოყოფის შესახებ“ საქართველოს მთავრობის 2019 წლის 24 იანვრის №63 განკარგულების თანახმად, დედოფლისწყაროს მუნიციპალიტეტს დაემატა პროექტი - „ქ. დედოფლისწყაროში პუშკინის ქუჩაზე ასფალტის საფარის რეაბილიტაცია და პუშკინის ქუჩის რუსთაველის ქუჩასთან დამაკავშირებელ გზაზე ასფალტის საფარის მოწყობა“.

დედოფლისწყაროს მერის, ნიკოლოზ ჯანიაშვილის განმარტებით, ამ პროექტის ღირებულება 319 336 ლარს შეადგენს.

„გასულ წელს თითოეული მოქალაქის გვერდში დგომით შევძელით და განვახორციელეთ არაერთი სასიკეთო პროექტი. ასევე, გასულ წლებთან შედარებით, დღეს უფრო ნაკლებ დედოფლისწყაროელს აწუხებს მოუწესრიგებელი საგზაო ინფრასტრუქტურა და ღამით ჩაბნელებული ქუჩები. დღეს უფრო მეტ ჩვენს თანამოქალაქს შეუძლია ისარგებლოს სკვერებით, საბავშვო ატრაქციონებით, დასასვენებელი პარკებით, სპორტული მოედნებითა და დარბაზებით,“ - განუცხადა

„შირაქს“ ნიკოლოზ ჯანიაშვილმა. საკრებულომ ასევე დაამტკიცა „დედოფლისწყაროს მუნიციპალიტეტის მერიის პირველადი სტრუქტურული ერთეულის - განათლების, კულტურის, ძეგლთა დაცვის, სპორტისა და ახალგაზრდულ საქმეთა სამსახურის დებულების დამტკიცების შესახებ“ საკრებულოს დადგენილებაში შესატანი ცვლილება, რომლის თანახმადაც სამსახურს დაემატა სტრუქტურული ქვედანაყოფი - „სპორტისა და ახალგაზრდულ საქმეთა განყოფილება“.

განყოფილების მიზანია განათლების, კულტურისა და სპორტის მუნიციპალური პროგრამების შემუშავება და მისი განხორციელების კოორდინაცია, სკოლამდელი სააღმზრდელო დაწესებულებების, მუნიციპალური მუზეუმების, თეატრების, ბიბლიოთეკებისა და სხვა დაწესებულებების მართვის მონიტორინგი, ადგილობრივ დონეზე ახალგაზრდული პოლიტიკის განვითარების ხელშეწყობის მიზნით წინადადებებისა და მუნიციპალურ პროგრამათა მომზადება და სხვა. მერიის პრესამსახურში განმარტავენ, რომ ცვლილებას საქართველოს ორგანული კანონით - ადგილობრივი თვითმმართველობის კოპდექსით დადგენილი შტატების რაოდენობის გადაჭარბება არ მოჰყოლია.

ილია მარტყოფლიძე



# ლევან კობიაშვილი დედოფლისწყაროში

**3 თებერვალს ფეხბურთის ფედერაციის პრეზიდენტი კახეთის რეგიონს ეწვია. ლევან კობიაშვილმა ქალაქ დედოფლისწყაროში 90-იან წლებში განადგურებული ცენტრალური სტადიონი დაათვალიერა და იქ არსებული პრობლემებით დაინტერესდა. მხარეებმა ადგილობრივ საპრეტის სამსახურებთან ერთად ფეხბურთის განვითარებაზე იმსჯელეს.**

გაზეთი „შირაქი“ სულ ახლახან იუნყებოდა, რომ დედოფლისწყაროს ცენტრალური სტადიონის აღსადგენად ევროკავშირის დაფინანსება უკვე გამოიყო. პროექტი წელს უნდა დასრულდეს და თანამედროვე სტანდარტის კომპლექსი აშენდეს. ამ სტადიონის რეაბილიტაცია 60 წელია არ ჩატარებულა. ლევან კობიაშვილმა და დედოფლისწყაროს მერმა საპრეტული ინფრასტრუქტურის ეფექტურად განვითარების გზები დასახეს. განიხილეს დეტალები, თუ ყველა მხარის კოორდინირებული ჩართულობით ეტაპობრივად როგორ განვითარდეს დედოფლისწყაროში როგორც საპრეტული ინფრასტრუქტურა, ისე ფეხბურთი.

ამავე დღეს ფედერაციის დაფინანსებით სოფელ ზემო მაჩხაანში ახალი საპრეტული მოედანი გაიხსნა, რომელიც რამდენიმე სოფლის მაცხოვრებლებს მოემსახურება.

**ლევან კობიაშვილი:** „დედოფლისწყაროს ცენტრალურ სტადიონს აბსოლუტურად სხვა დატვირთვა აქვს, დიდი ზომისაა. ეს იყო ტრადიციული მოედანი, რომელზეც წლების განმავლობაში ადგილობრივი გუნდი თამაშობდა. ადგილობრივ ხელისუფლებას დაგეგმილი აქვს მისი განვითარება. პირველ ეტაპზე გასახდლები, ტრიბუნები და ა.შ. საბოლოო ჯამში, დარწმუნებული ვარ, რომ ერთობლივი შრომით, ერთიანი პროექტი შეიქმნება, რომლის ფარგლებშიც მოედანის საფარის შეცვლაც მოხერხდება. საერთო ჯამში მგონია, რომ ეს ყველაფერი ძალიან გამოადგება და სასარგებლო იქნება მთლიანად ამ რეგიონისთვის და განსაკუთრებით დედოფლისწყაროელებისთვის. ამ ყველაფრის ადგილზე სანახავად ჩამოვიდო, ვისაუბრეთ დეტალებზე. ჩემი სურვილი იყო ზუსტად გამეცნო და მცოდნოდა რა იგეგმება აქ, სად შეგვიძლია დახმარება, როგორ ვხედავთ ჩვენს როლს, რომ ფედერაციაც ჩაერთოს ამ პროექტის განხორციელებაში.“

რაც შეეხება ზემო მაჩხაანს, აქ სულ ცოტა ხნის წინ დაფინანსებით საფეხბურთო მოედნის მშენებლობა. არაჩვეულებრივი გამოვიდა და დღეს შეგვიძლია ვთქვათ, რომ ადგილობრივ და მეზობელი სოფლების ბავშვებს ყოველთვის შეეძლება ითამაშონ.

გარშემო ბევრი დიდი სოფელია და მჯერა, რომ მიმდებარე სოფლებსაც მოიცავს. ზოგადად, მოთხოვნა ძალიან დიდი იყო, ბევრი ბავშვია და მინარია, რომ ფეხბურთის ფედერაციამ შეძლო ჩვენი ფინანსური დახმარებით ეს არაჩვეულებრივი სივრცე შეგვექმნა. სასიხარულოა, რომ მოზარდებს საშუალება აქვთ, ითამაშონ და ისიამოვნონ ფეხბურთით, დახვეწონ საკუთარი შესაძლებლობები. თავისთავად, ასეთი ნაბიჯები ფეხბურთის განვითარებისთვის და რეგიონის გამოცო-

ვლისწყაროს ყველასთვის საყვედურთელი და ახლა უკვე ფედერაციის პრეზიდენტი ლევან კობიაშვილი სტუმრობდა, მას სურდა, ჩვენს გეგმებს



გაცნობოდა. ამ ყველაფერს ისიც დაერთო, რომ არაჩვეულებრივი საჩუქარი გაუქვითა ჩვენს მანქანაში თანამედროვე სტანდარტებით მოწყობილი საფეხბურთო მოედანი, ხელოვნურსაფარიანი სტადიონი გამოვიდა და თუ იმასაც

ლოვანი იქნება. მაღლობა მინდა გადავუხადო ფედერაციას ამ საჩუქრისთვის“.

ფედერაციის წარმომადგენლები დედოფლისწყაროდან თელავში გაემგზავრნენ, სადაც ლევან კობიაშვილმა კახეთის ყველა მუნიციპალიტეტიდან ფეხბურთის მწვრთნელები დააჯლოდოვა. მთელი კახეთის რეგიონის მასშტაბით, საქართველოს ფეხბურთის ფედერაციამ, შესაბამის რეგიონულ ფედერაციასთან ერთად, ჯამში 52 მწვრთნელი გადაამზადა, რომლებიც ახლა

უკვე ოფიციალურად **C** ლიგის მფლობელები არიან.

დიპლომების გადაცემის ცერემონიაზე, შეხვედრის მონაწილეებმა კახეთში აქტიურად მიმდინარე საფეხბურთო პროცესებზე იმსჯელეს. მასპინძლებმა უკანასკნელ წლებში რეგიონში მიმდინარე სასიკეთო ცვლილებები განიხილეს და მათ შორის, საზგასამთო აღნიშნეს ლაგოდეხის აკადემია, რომელიც მთელი კახეთის რეგიონის გამორჩეული ბავშვები ეუფლებიან ფეხბურთს. შეხვედრის მონაწილეებმა სამომავლო პერსპექტივები შეაფასეს და ინფრასტრუქტურულ საჭიროებებზე ისაუბრეს.

„კახეთის რეგიონი პირველია, სადაც ჩატარდა გადამზადების კურსები, რაც ფუნდამენტური მნიშვნელობისაა ქართული ფეხბურთის სწორი განვითარებისათვის. არაერთხელ გვითქვამს, რომ ბავშვთა ფეხბურთის პირამიდის ის ნაწილია, რომელიც განსაკუთრებულ ყურადღებასა და სიფრთხილეს ითხოვს. სწორედ ბავშვთა ფეხბურთის განვითარების პროგრამის ნაწილია იმ მწვრთნელთა გადამზადებაც, რომლებიც რეგიონებში ბავშვებთან მუშაობენ,“ - აღნიშნა ლევან კობიაშვილმა.

ილია მარტყოფლიშვილი



ცხლებისთვის მნიშვნელოვანია. გასულ წელს ჩვენ დაანონსებული გეგმისაა, რომ ძალიან ბევრი ინფრასტრუქტურულ პროექტს გავაკეთებდით, რაც წარმატებით განხორციელდა მთელი ქვეყნის მასშტაბით და ამ ხაზს წელსაც აქტიურად გავაგრძელებთ. სამომავლოდაც არაერთ საინტერესო პროექტს შევთავაზებთ“.

**ნიკოლოზ ჯანიაშვილი:** „მოხარულები ვართ, რომ დედო-



გავითვალისწინებთ, რომ სტადიონის გვერდით მომდევნო ნეონადში ახალი სკოლის შენობა უნდა აშენდეს, ბევრად განვითარდება ეს ადგილი. სკოლას შენობაშივე ექნება სტადიონი, მაგრამ გარე მოედანი მათაც დაეხმარება და ორმაგად მნიშვნე-



## ელჩმა ჰერელებს საჩუქრები ჩაუტანა და მათი პრობლემებით დაინტერესდა

აზერბაიჯანში საქართველოს სრულუფლებიანი ელჩი ზურაბ პატარიძე აზერბაიჯანის შემადგენლობაში შემავალ ქართულ მინაზე, ისტორიულ ჰერეთში მცხოვრებ ქრისტიანებს ეწვია. ელჩმა მოსახლეობას საჩუქრები ჩაუტანა. ეს ზურაბ პატარიძის პირველი ოფიციალური

ვიზიტია საინცილოში. ჰერეები საქართველოს ხელისუფლებას, მათ შორის ელჩს მუდმივად უყურადღებობაში ადანაშაულებენ. ადგილობრივები ხშირად აღნიშნავენ, რომ ყურადღების დეფიციტს ხშირად გრძნობენ როგორც



ქართული ხელისუფლების, ისე ზოგადად, საზღვარს აქეთ დარჩენილი ქართველების მხრიდან.

ზურაბ პატარიძე კახის რაიონში 2 თებერვალს იმყოფებოდა, ელჩი წმიდა გიორგის სახელობის ტაძარში მსახურებას დაესწრო. ის ადგილობრივებს გაესაუბრა და მათი პრობლემები მოისმინა. ელჩთან ერთად ჰერეთში ჩავიდნენ ასევე გენერალური კონსული მამუკა ბალავაძე და საელჩოს სხვა წარმომადგენლები. დედოფლისწყაროდან ჰერეთში ჩავიდა და შეხვედრას ესწრებოდა ხორნაბუჯისა და ჰერეთის ეპისკოპოსი დიმიტრი კაპანაძე, რომელმაც საღამოს ლოცვა წმ. გიორგის სახელობის ტაძარში აღასრულა.

ზურაბ პატარიძე აზერბაიჯანში საქართველოს ელჩად გასული წლის 29 აგვისტოს დაინიშნა. ჰერელები საელჩოს მიმართ პრეტენზიებს ხშირად გამოხატავენ და ამბობენ, რომ ქართულენოვანი სახელმძღვანელოების და არაერთი სხვა პრობლემა დგას, ადგილობრივების დასახმარებლად კი ქართული მხარე არცთუ ეფე-



ქტურია. მოსახლეობა პატარიძის წინამორბედსაც ემდურება. უამრავი დაბრკოლების მიუხედავად ჰერელი ქრისტიანები კვლავაც ერთგულად ინარჩუნებენ ენასაც და სარწმუნოებასაც. ისინი საქართველოსგან მეტ ყურადღებას და ოფიციალური პირების ჰერეთში ჩასვლას, მეტ თანადგომას ითხოვენ.

ილია მარტყოფლიშვილი



ახალი კვლევის შედეგები

სურსათის უვნებლობა ის საკითხია, რომელიც აქტიურად არასოდეს კარგავს. სურსათთან დაკავშირებული ყველა თემა საზოგადოების მხრიდან ყველაზე ემოციურად და მასობრივად აღიქმება, რადგან ის წყვენიერებას, შემდგომ კი ჯანმრთელობას ესხება. სურსათის უვნებლობის შემოწმება კი სურსათის ეროვნულ სააგენტოს კომპეტენციას, რომელმაც 2018 წელს აღებული ნიმუშების მიხედვით ახალი კვლევის შედეგები გასაჯაროვა.



ვთა კვების პროდუქტებში, თევზში, პურპროდუქტებში, ბურღულეულსა და ბოსტნეულში. გასულ წელთან შედარებით, კვლევამ აჩვენა, რომ ტყევის გადაჭარბებული ოდენობა არ გამოვლენილა ხორცის ნიმუშებში. დადგენილ ნორმასთან შეუსაბამობა აღინიშნა ნედლი რძის 15 და სუნელ-სანელებლების 8 ნიმუშში (2017 წელს სუნელ-სანელებლებში 33 დარღვევა დაფიქსირდა).

- რძის და რძის ნაწარმის - 82;
• ხორცის და ხორცპროდუქტების - 335;
• თევზის და თევზის პროდუქტების - 47;
• კვერცხის - 68;
• ბავშვთა კვების პროდუქტების - 48;
• სუნელ-სანელებლების - 137;
• თაფლის - 11;
• სასმელების - 108;
• პურპროდუქტების, ბურღულეულისა და ბოსტნეულის - 340;

სურსათის ეროვნული სააგენტოს კვლევის თანახმად, ტყევის შემცველობა ნორმას არ აღემატება ბავშვ-

სურსათის ეროვნული სააგენტოს განცხადებით, დარღვევის შესახებ შესაბამის სამსახურებს ეცნობა და პროდუქციის ამოღებაზე ზედამხედველობა სურსათის ეროვნულ სააგენტომ განახორციელა. მათივე ინფორმაციით, სურსათში ტყევის შემცველობაზე აღებულ ნიმუშებში დარღვევის რაოდენობის შემცირება განაპირობა, ბაზრის კონტროლის გააქტიურებამ და რეგიონებში ნარჩენების მართვის სისტემის გაუმჯობესებამ.

მასალა მოამზადა
ქუშუხა მანანაშვილმა

აივ ინფიცირების 40 ახალი შემთხვევა

ინფექციური პათოლოგიის, შიდსის და კლინიკური იმუნოლოგიის სამეცნიერო-პრაქტიკული ცენტრის ინფორმაციით, იანვარში 40 ახალი შემთხვევა დაფიქსირდა.

მათივე ინფორმაციით, საქართველოში 7474 აივ ინფიცირებული პირია რეგისტრირებული, მათ შორის 5599 — მამაკაცია, 1875 — ქალი. პაციენტთა უმრავლესობა 29-დან 39 წლამდეა. შიდსი 3969 პაციენტს განუვითარდა, 1523 გარდაიცვალა.

აივ მკურნალობას იტარებს 4597 პაციენტი, მათ შორის 43 — ბავშვია.

„რეგისტრირებულ შემთხვევათა განაწილება გადაცემის გზების მიხედვით ასეთია: 39.9 % (2968) - ნარკოტიკების ინექციური მომხმარებელი; 46.4 % (3458) - დაინფიცირდა ჰეტეროსექსუალური კონტაქტის შედეგად; 11.2 % (836) - მამაკაცები, რომელთაც სექსუ-

აქტ მამაკაცთან; 1.4 % (105) - დაინფიცირდა ვერტიკალური გადაცემის გზით; 0.5 % (36) - სისხლის რეციპიენტია; 0.7 % (50) - გადაცემის გზა დაუდგენელია.

აივ ინფიცირების ყველაზე მეტი შემთხვევა რეგისტრირებულია თბილისში (2726 შემთხვევა); სამეგრელოში - 947 (აქედან ზუგდიდში - 630); იმერეთში - 924 (ქუთაისი 451); აჭარაში - 834 (ბათუმი — 533); აფხაზეთში - 473; კახეთში - 358, ქვემო ქართლში - 385; შიდა ქართლში - 279; გურიაში - 157; ფოთში - 110; სამცხე-ჯავახეთში - 107 და ა.შ.

ბოლო წლებში აივ ინფექცია/შიდსის ახალ შემთხვევათა ანალიზი გვიჩვენებს, რომ აღინიშნება ახალ შემთხვევათა სტაბილური ზრდის ტენდენცია: 2014 წელს - 564; 2015 წელს - 717; 2016 წელს - 719; 2017 წელს - 631, 2018 წელს - 672“, - ნათქვამია გავრცელებულ ინფორმაციაში.

ს ს ვ ა

ნიკოლოზ მამაიაშვილი

„კაცი ლეგენდა“ ამ სიტყვებით მიმართა ნითელწყაროს რაიონული აქტივის კრებაზე საქართველოს კომუნისტური პარტიის ცენტრალური კომიტეტის პირველმა მდივანმა ედუარდ შევარდნაძემ, რესპუბლიკაში ცნობილი კოლმეურნეობის თავჯდომარეს, სოციალიტური შრომის გმირს, მრავალი ორდენის და მედლის მფლობელს ნიკო მამაიაშვილს, მისი 75 წლის საიუბილეო საღამოზე, რომელიც ზემომანჩანის სასოფლო კულტურის სახლში გაიმართა. საიუბილეო კომისიის თავჯდომარე შოთა ქანუყვაძე გახლდათ. ბევრი თბილი სიტყვა ითქვა მართლაც ამ ლეგენდარულ ადამიანზე. ახლაც კარგად მახსოვს მახარებელი მისაკო ორავგელიძემ სულ ერთი წინადადებით რომ მიმართა; დასავლეთ საქართველოში მისაკო ორავგელიძე რომ არ ვყოფილიყავი, აღმოსავლეთ საქართველოში ნიკო მამაიაშვილობას ვინატრებდიო. ნიკოლოზ მამაიაშვილს 5 თებერვალს დაბადებიდან 117 წელი შეუსრულ-

დებოდა. მისი მოღვაწეობის პერიოდში სოფელი ზემო მანჩანის კოლმეურნეობა ერთ-ერთი გამოჩენილი იყო არა მარტო ჩვენს რაიონში, არამედ მთელ საქართველოში. ნიკო მამაიაშვილმა თავისი სამსახურებრივი კარიერა გააგრძელა სოფლის მეურნეობის დარგის პროფკავშირების რაიონული საბჭოში, სადაც იგი 13 წელი მთელი გაულისხმიერებით ემსახურა რაიონის პროფკავშირების საქმიანობას, ერთ-ერთი წარმატებული დარგის პროფკავშირები ვიყავით საქართველოს მასშტაბით.

ბატონი ნიკო იყო არაჩვეულებრივი, გულსხმიერი ხელმძღვანელი თანამშრომლების მიმართ. ყველა თანამშრომლის დაბადების დღე ჩანიშნული ჰქონდა და სამსახურში, სამუშაო საათების დამთავრების შემდეგ, (იმ დროს აგროსამრეწველო გაერთიანების შენობაში იყო ჩვენი სამსახური ტაბიძის ქუჩაზე) გაერთიანების თავმჯდომარე ვანო ფიროსმანაშვილთან ერთად გვინწყობდნენ საიუბილეო ღონისძიებებს. ადა-

მიანს ყოველთვის ორი მნიშვნელოვანი თარიღი აქვს - დაბადების და გარდაცვალების. ბატონი ნიკო 5 თებერვალს დაიბადა და 5 თებერვალს გარდაიცვალა. სამელოგიარო კომისიის თავჯდომარე ბაკურ გულუა, მაშინდელი სოფლის მეურნეობის ხელმძღვანელი, გახლდათ. 9 თებერვალს დაიკრძალა ბატონი ნიკო დედოფლისსმთაწმინდაში. მისი ერთადერთი შვილი, ბატონი ვაჟა, თავის გაუიმილებთან ნიკოსა და კახასთან ერთად ყოველწლიურად აღნიშნავენ სახელოვანი მამის და პაპის დაბადების და გარდაცვალების დღეს.

ბატონი ნიკო დღესაც თითოეულ ჩვენს თანამშრომელს ძალიან გვეძვირფასება და გვახსოვს.


სოფლის მეურნეობის დარგის პროფკავშირების რაიონული საბჭოს და სოფლის მეურნეობის სამმართველოს ყოფილი თანამშრომელია.

არბოშის და კოტაანს
ზღვარი არ გასდევს...
დაპიტი ნატროშვილი სახალხო მოქმელი,
სოფელი ზემო მანჩანია.

კ რ ო ს ვ ო რ დ ი
Crossword puzzle grid with numbers and letters.

შპსუალ: 1. შინაური ფრინველი, რომლის კვერცხის ნაჭუჭი განსაკუთრებით მტკიცეა 2. ჯგუფ "დიფ ფარფლის" სოლისტი იან ...; 3. რომელი ბალნისგან ამზადებენ კბილის ჯაგრისებს 4. ყველაზე მტკიცე მინერალი... ნარმოადგენს გრაფიტისა და მურის სახესხვაობას 6. შოლანდიაში, რომელ პროდუქტს ფარავენ ცვილით 7. თვალის ფერადი გარსის ანთება 12. წინალობის შეტრუნული სიდიდე 13. შუა საუკუნეებში, რომელი პროფესიის ადამიანი ითვებოდა ქირურგის მოვალეობას 14. რას უდრის 1000მმ 15. რომელი ლითონისგან შედგება დედამინის ბირთვი 16. ქალაქი, რომელიც ტოკიომდე ქვეყნის დედაქალაქი იყო 17. ინგლისელი აირი იყენებენ შუქრეკლამებში 18. ძირითადად რომელი ქვეყნის ტერიტორიაზე სახლობდნენ უძველესი ინკები 19. ჯიხვების ჯოგი 23. ჯგუფი ადამიანების, რომლებიც ბურჟუაზიური ქვეყნების თეატრებში დაქირავებული ჰყავდათ ტანის დასაკრეულად 24. ქალაქი, სადაც დანვეს ჯანა დარკი 25. რაიმეს საზომი დანაკრებებიანი ციფრბლატი 27. ცეკვისას მოძრაობათა პერიოდული მონაცვლეობა 28. ქმრის ძმა 29. გამოუნვაგი აგური, რომლითაც ბაბილონში შენობებს აგებდნენ 30. კომპოზიტორი ... მორიკონე.

მონატრება
თავდორე ნიკლაური
ვაი, რომ ყოველი სიტყვა უძღურია შვილმკვდარი მშობლებისა და შვილიშვილ-მკვდარი ბებიის და ახლობლების საწუგუმებლად, როცა უსაშველო ტყვილი გტანჯავს.



ა(ა) ივ დედოფლისწყაროს მუნიციპალიტეტის სპორტისა და ახალგაზრდობის საქმეთა ცენტრის თანამშრომლები სამიძმარს უცხადებენ ნათია დუღაშვილს პაპის მსახური საბიავის გარდაცვალების გამო.
ა(ა) ივ დედოფლისწყაროს მუნიციპალიტეტის სპორტისა და ახალგაზრდობის საქმეთა ცენტრის თანამშრომლები სამიძმარს უცხადებენ ვიორგი მკერვალიძეს დედის მსახური გარდაცვალების გამო.

# წარმატებული სტარტი

წელიწადზე მეტია, რაც კახეთის რეგიონში ფეხბურთის განვითარებისთვის ფედერაციამ საფეხბურთო აკადემია გახსნა. ასეთი სასწავლო ცენტრი ქვეყანაში ჯერ მხოლოდ სამია. ის რეგიონის რვავე მუნიციპალიტეტს ემსახურება და მისი ამოქმედების მთავარი მიზანია ის იყოს, რომ ფეხბურთით დაინტერესებულ მოზარდებს სპორტის ამ სახეობის საფუძვლიანად შესწავლა საკუთარ რეგიონში, თანამედროვე სტანდარტებით მოწყობილ აკადემიაში შეძლებოდათ. ეს მოდელი რეგიონში ყველაზე ძლიერი მოზარდების განვითარებისთვის შეიქმნა და იქ მოხვედრა ყველა მსურველს არ შეუძლია.

ყაროელ სპორტსმენებს დადებითად ახასიათებენ. ორივე მათგანის მწვრთნელი გიორგი ნუსხელიძეა, ის მათი პოტენციალით კმაყოფილია და ამ ბიჭების მომავალს იმედინად უყურებს. აკადემიაში ამბობენ, რომ საბოლოო პროგნოზის გაკეთება ჯერ რთულია, თუმცა, თუ მოზარდებმა ასე გააგრძელეს, წინ ბევრი წარმატება ელით.

„შირაქმა“ ორივე მათგანთან გასაუბრება შეძლო, კმაყოფილება ორივე დედოფლისწყაროელ სპორტსმენს ეტყობა. საბოლოოდ, ორივე დიდ წარმატებებს უმიზნებს.



ლუკა ნატროშვილი (ფეხბურთელი): „ფეხბურთი ბავშვობიდან მომწონდა, აღარც მახსოვს, როდის, მაგრამ დიდი ხანია მოხიბლული ვარ. უფრო პაპას დამსახურებაა, რომ ფეხბურთი ავირჩიე. მან უდიდესი ბიჭი მომცა. მეც ავეყვი და მას მერე იგივე სურვილები მამოძრავებდა. მახსოვს, რონალოდ მომწონდა, „რეალს“ ვგულშემმატიყვრობდი. ძნელია, ავხსნა, რატომ მაინცდამაინც ფეხბურთი, მაგრამ მიმარწია, რომ ფეხბურთი ყველა სხვა სპორტზე მეტია. როცა პირველ ნაბიჯებს ვდგამ-

დი, მომწონდა, რომ ბურთის თამაშის დროს სხვას ვატყუებდი და ეს სიამოვნებას მანიჭებდა, ამით მიმიზიდა. ფეხბურთში თვისებები უნდა მოგწონდეს, რონალოდ თვისებები ძალიან მომწონს. ის ძალიან შრომისმოყვარეა, შრომის და მონდომების გარეშე არაფერი გამოვა. აკადემიამ საფეხბურთო სწავლების კუთხით ძალიან დიდი განათლება მომცა. ჩემთვის ბევრს ნიშნავს, რომ იქ მოვხვდი. არ მიფიქრია იმაზე, რომ ამხელა რაიონიდან აკადემიაში პირველი მე მოვხვდებოდი, მაგრამ კონცენტრირებული ვიყავი მიზანზე, ვცდილობდი, ბოლომდე მეშრომა და ჩემი მთავარი ოცნება ამეხდინა. მე ვთამაშობდი დედოფლისწყაროში, შემდეგ ტიბაანის გუნდში, ბოლოს კახეთის ნაკრებშიც ვიყავი და ამის მერე აღმოვჩნდი ლაგოდეხის აკადემიაში. მოგეხსენებათ, დედოფლისწყაროს გუნდი ბოლო წლებში დაიშალა, ამიტომ ტიბაანის გუნდში გადასვლა და იქ სიარული მომიწია. თბილისში გადასვლა მინდა, სამომავლოდ ვგეგმავ კარგ კლუბში ვითამაშო და ჩემი ოცნება ავიხდინო. არასდროს დავკმაყოფილდები ჩემი მიღწევებით, ჩემთვის მაქსიმალური მწვერვალი არ არსებობს, ჩემთვის უმთავრესი მხოლოდ განვითარებაა, რისთვისაც ძალღებს არ დავზოგავ“.

პირობებით კმაყოფილია აკადემიის კიდევ ერთი მოსწავლე 13 წლის გიორგი შეითნიშვილი. გაზეთ „შირაქთან“ საუბრისას ისიც სამომავლო გეგმებზე საუბრობს.



გვაქვს, 9 სათისთვის ავტობუსი მოდის და სკოლაში მივყავართ. ქალაქ ლაგოდეხის №1 საჯარო სკოლაში ვსწავლობთ. დახლოებით 3 საათზე ავტობუსს უკან მოვყავართ. ვსადილობთ და შემდეგ გვაქვს ვარჯიში. ვარჯიში გრძელდება საათსა და 10 წუთის განმავლობაში, შემდეგ აბაზანას ვიღებთ. შემდეგ თავისუფალი დრო გვაქვს, ამ დროში გაკვეთილების მომზადება უნდა მოვასწოროთ ვახშამდე. ვახშამი გვაქვს 20:00 საათზე. ვახშამის შემდეგ უკვე მობილურებს გვიბრუნებენ და თერთმეტის ნახევრამდე შეგვიძლია ტელეფონებით ვისარგებლოთ. შემდეგ ტელეფონებს ისევ ვაბარებთ და ლამის ლოცვას ვკითხულობთ. ასევე დილით საუზმემდე აუცილებლად იკითხება დილის ლოცვა და მამაო ჩვენო“.



გიორგი შეითნიშვილი (ფეხბურთელი): „საუკეთესო პირობები გვაქვს, ყველაფერი მოწესრიგებულია საიმისოდ, რომ კარგად ვისწავლოთ. ახლა ყველაფერი ჩვენზე დამოკიდებულია. ჩემთვის ძალიან დიდი სტიმულია და აქ ყოფნა მართლა ბევრს ნიშნავს. მეამაყევი, რომ რაიონს ვასახელებ და ამისათვის თავს და შესაძლებლობებს არ დავზოგავ. ძალიან მაძლიერი ვარ ზურაბ ჩალაბაშვილის, ბევრი იმრომა, რომ შედეგი მიელო და დღემდე მოვსულიყავი. გამომართლა, ასეთი ტრენერი რომ მყავს. რაც შეეხება დღის რეჟიმს, დილით 8 სათზე გვაღვიძებენ, ცხრის ნახევარზე საუზმე

გასულ კვირას, ფეხბურთის ფედერაციის პრეზიდენტმა ლევან კობიაშვილმა დედოფლისწყაროში ვიზიტისას საზოგადოებრივად გამოხატა, რომ ასეთი აკადემია ქვეყნის მასშტაბით ჯერ სულ რამდენიმე რეგიონს აქვს და მათ შორის კახეთი ერთერთი პირველი იყო. ამდენად, კახელი მოზარდები მაღალი დონის ინფრასტრუქტურით და კარგი პირობებით განებივრებული არიან. ფედერაცია ცდილობს, ფეხბურთით დაინტერესებულ მოზარდებს სტიმული მისცეს და პროფესიული უნარების განვითარებისთვის ყველა პირობა შეუქმნას. კობიაშვილი გაზეთ „შირაქთან“ საუბრისას ექსკლუზიურად ამბობს, რომ მისი სურვილია, ახალ თაობას ყველა რეგიონში ჰქონდეს შესაძლებლობა ფეხბურთის საკუთარ მხარეში დაეუფლოს და ამისათვის დედაქალაქში ნასვლის აუცილებლობა არ არსებობდეს. ამ მიზნის მისაღწევად ფედერაცია მომავალ წლებშიც აქტიურად იზრუნებს, რათა არსებული აკადემიები კიდევ უფრო განვითარდეს, იმ რეგიონებში, კი სადაც ის ჯერ არ ამოქმედებულა, თანამედროვე სტანდარტებით და საცხოვრებელი ალტურვილი აკადემიები კიდევ გაიხსნას.

ილია მარტყოფლიშვილი



**ყურადღება!**

დიდი ხანია, ქ. დედოფლისწყაროში, ბარათაშვილის ქ. №4-ში, ფუნქციონირებს სილაშხის სალონი „ნიმნი“ (ავტოსადგურის მიმდებარე ტერიტორიაზე). სალონში კიდევ შესაძლებელია ფრჩხილების მოწესრიგება, გელ-ლაქის გაკეთება და ფრჩხილების დაგრძელება.

მისოს კოჭლი შვილი ყავდა, ომში უნდა წავიდეთ ამოიჩემა ...

სად უნდა წახვიდე გინდა აქ მე მანერვეულო და იქ სნაიპერი ანვალო?

\*\*\*

ძვირფასო, ექიმმა მითხრა, რომ დიდი დიდი 8 საათილა დამრჩა სიცოცხლე. მოდი, წავიდეთ საუკეთესო რესტორანში, მერე სასტუმროში... ეუბნება ქმარი ცოლს.- ჰო, შენ რა გენაღვლება, დილით ასადგომი არ იქნები!

**იუმორი**

\*\*\*

ორმა მთვრალმა კაცმა ტაქსის მძღოლის გაშაყრება მოინდომა და მძღოლს ჰკითხეს:- ძმაო, ნავაგს არ ნაღებ?- კი, ბატონო, დასხედით!

\*\*\*

მთვრალი მამაკაცი ავტობუსში ასვლას ცდილობს. მგზავრებმა სიცილი დააყარეს:

— იცინეთ, იცინეთ...— გაბრაზდა მთვრალი, ვნახოთ, ბოლოს ვინ გაიცივნებს: მე ავტობუსის მძღოლი ვარ!.....

\*\*\*

მდიდარი ქართველების შვილების საუბრიდან:

— მამაჩემს იმდენი ფული აქვს, რომ შეუძლია მთელი თბილისი იყიდოს!

— მამაჩემს ვეტყვი, რომ არ მიჰყიდოს!

ამინდი		დედოფლისწყარო		შაბათი		კვირა	
ორშაბათი 11.02	სამშაბათი 12.02	ოთხშაბათი 13.02	ხუთშაბათი 14.02	პარასკევი 15.02	შაბათი 16.02	კვირა 17.02	
დღე	ღამე	დღე	ღამე	დღე	ღამე	დღე	ღამე
2°	1°	0°	-1°	1°	-1°	2°	0°

გამომცემელი შპს „შირაქი“  
 დირექტორი ინგა შიოლაშვილი  
 რედაქტორი ნაირა გორაშვილი-პოპიაშვილი  
 წერილში მოყვანილ ფაქტებსა და ციფრებს პასუხს ავებს ავტორი.

სარედაქციო კოლეგია: ილია მარტყოფლიშვილი (ჟურნალისტი); ელზა ხარაშვილი (სტილისტ-მწევერი); ნათია გოსტაშვილი (ბუღალტერი); ნინო ჯანაშვილი (ოფის-მწევერი); მზის ქანაქაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).  
 გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „კოლორ პრესის“ სტამბაში.

REDAQIIS MSAMRTIA  
 ქალაქი დედოფლისწყარო, ფიროსმანის №18,  
 ტელ. 0 356 22 55-49;  
 598 72-18-72 (დირექტორი)  
 591-97-73-26 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.